

Gvangjsih Minzczu Bau

Cawjguen: Gvangsijh Bouxcuengh Swcigih Minzczu Cunghgyau Swvu Veijyenzei

Cawjbanh: Gvangsijh Minzczu Bause

Geiz neix 8 banj

广西民族报 Aenhauh okbanj: CN45-0036 B.2025 Nd.1 Ng.15 Liggaueq gvapsaenz nienz ndwenlab cibroek Geizsoq: Gungh daih 3654 geiz

Swcigih Gaiq Cibseiq Yinzda Baez Hoih Daihsam Haimuq

1 nyied 13 hauh, Gvangsijh Bouxcuengh Swcigih Gaiq Cibseiq Yinzminz Daihyauj Daihhoih Baez Hoih Daihsam youq Gvangsijh Yinzminz Veidangz haimuq.

Aen hoih wnggai daengz 677 baux, miz 643 baux daihyauj camgya aen hoih haimuq, hab fapdingh soq-vunz.

Swcigih Dangveij suhgi, daihhoih cujsizdonz cangzvu cujsiz, caephengz cujsiz Cinz Gangh cujciz aen hoih.

Daihhoih cujsizdonz cangzvu cujsiz, caephengz cujsiz Vangz Veizbingz, Fangh Cunhmingz, Cangh Yaujginh, Hoz Vwnzhau, Vangz Veijgingh, Luz Yenbenj, Yangz Cingvaz, Liuz Youjmingz youq cujsizdaiz baizdaez naengh.

Swcigih cujsiz Lanz Denhliz daihyauj Swcigih Gaiq Cibseiq Yinzminz Cwngfuj coh daihhoih guh cwnghfuj gunghcoz baugau. Baugau faen baenz song dingz: Dauqyawj hong bi 2024, moegbiu yinvu caeuq hong cundengj bi 2025.

Lanz Denhliz naeuz, bi 2024 dwg Cunghvaz Yinzminz Gunghozgoz laebbaenz 75 hopbi, dwg bi youqgaenj

saedyienh “cibseiq haj” gviveh moegbiu yinvu. Siz Ginbingz cungjsuhgi lai baez guh ciji hong Gvangsijh, Dangjuncunghyangh, Gozvuyen okdaiz baenzroix cwnghcwz, banhfap hungnaek, nyoengxhwnj gij saenqsim caeuq ceiqheiq daengx gih gak cuz ganbu ginzcong doxgiet buekguh lai raixcaix. Raeuz haeujlaeg gvancez doeksaed gij iugouz youqgaenj Siz Ginbingz cungjsuhgi lwnhgangj hong Gvangsijh, gaenjdaet hopheux aen yinvu daihdaez hwnghat ndei saed neix caeuq aen yinvu canloz gwzgis hwnghat moq neix, gyavaig hwnghuq “it gih song dieg it suen it roenloh”, doidoengh ginghci yinhhengz cungjdaej onjdingh, ndaw onj ndaej baenaj.

Lanz Denhliz naeuz, bineix dwg bi satbyai “cibseiq haj”, hix dwg bi youqgaenj caenh’ itbough cienzmienh haeujlaeg gajgwz. Raeuz yaek aeu aen swhsienj sevei cuji miz daegsaek Cungguk seizdaih moq Siz Ginbingz guh dazyinx, cienzmienh gvancez gij cingsaenz Ngeihcib Daih caeuq Ngeihcib Gaiq Ngeihcung, Samcung Cienzhohi Dangj caeuq Aen Hoih Hong Ginghci Cunghyangh, gvancez

doeksaed gij cingsaenz Gaiq Ngeihcib Cunghyangh Gijveij Baez Hoih Daihseiq, haeujlaeg gvancez doeksaed gij iugouz youqgaenj Siz Ginbingz cungjsuhgi lwnhgangj hong Gvangsijh, aeu couqmaenh gij eijsik caezcaemh Cunghvaz Minzczu guh sienqmeh, gejcungq swhsienj, cauqmoq gouz bienq, coh haij maeuzak, hailangh hwnghat, dingjmaenh aen giekdih daeuz ndaw onj ndaej baenaj, caezcingj cinjdeng cienzmienh gvancez aen leixniemh hwnghat moq, gaenxmaenx fugsah caeuq yungzhaej aen gwzgis hwnghat moq, netsaed doidoengh hwnghat ndei saed, comzyawj hwnghuq aen canloz “it gih song dieg it suen it roenloh”, caenh- itbough cienzmienh haeujlaeg gajgwz, hawj doiqrog haicuengq lai miz suijsingz, hwnghuq aen diji canjnieb yendaiva, dungjcuz hwnghat caeuq ancienz ndei bae, doeksaed gij cwnghcwz hunggvangq lai miz yung de, lai coi siuhfei, lai roengzgoek, lai hawj baihdaw aeuyungh, caeuq rogguek gaicawx lai ak, doidoengh ginghci laebdaeb dauq ndei, mboujduenh hawj bauxminz ndwenngoenz gvaq ndei, baujmaenh

aenbiengz huzndei onjdingh, guhsat “cibseiq haj” gviveh moegbiu yinvu ndei saed, bang saedyienh “cibhaj haj” haidaeuz ndei roengzgiek.

Lanz Denhliz daegbied gangj daengz, dah haij ngamq hwnj langh, haenqguh cingq ngamj seiz. Raeuz aeu gaenjdaet doxgiet youq seiqhenz Dangjuncunghyangh aeu Siz Ginbingz dungzci guh goek, youq Swcigih Dangjveij giengiengz lingjdauj lajde, caen ca caen guh, haenqheiq baenaj, roengzrengz hawj “cibseiq haj” souhong ndaej swnh, haenqrengz raiz bien faenzcieng Gvangsijh gij yendaiva yiengh Cungguk!

Ciuq aen hoih anbaiz, daihhoih saemjcaz gij baugau Swcigih Yinzminz Cwngfuj mizgven swcigih bi 2024 gozminz ginghci caeuq sevei hwnghat giva caephengz cingzgvang caeuq bi 2025 gozminz ginghci caeuq sevei hwnghat giva cauqanq, mizgven daengx gih caeuq swcigih bonj gaep bi 2024 yawhsuenq caephengz cingzgvang caeuq bi 2025 yawhsuenq cauqanq.

(daj 《Gvangsijh Yizbau》 aeu daeuj genj hoiz Gungh Vwnzyingj Cinz Yizcwz Cungh Siujgij Loz Canghlieng)

Swcigih Cwnghez Gaiq Cibsam Baez Hoih Daihsam Haimuq

1 nyied 12 hauh, Cunghgoz Yinzminz Cwngci Hezsangh Veiji Gaiq Cibsam Gvangsijh Bouxcuengh Swcigih Veijyenzei Baez Hoih Daihsam youq Nanzningz haimuq.

Aen hoih wnggai camgya veijyenzei 682 baux, caen daengz 644 baux, hab gvidingh soqvunz.

Sunh Daveij, Vangz Sinhfu, Ciz Sauconh, Fei Ciyungz, Vangz Cinvaz, Cenz Yozmingz, Couh Cwngzfangh, Vangz Naijyoz, Hoz Sinhhing, Vuh Gyahsi, Liuz Yungjmeiz, Bungz Genmingz caeuq Luz Nwngzgan daengj youq cujsizdaiz baiz daih’ it naengh.

Swcigih Dangjveij lingjdauj Cinz Gangh, Lanz Denhliz, Vangz Veizbingz, Fangz Lingzminj, Cinz Yizginh, Nungz Swnghvwnz, Hij Yungjigo, Couh Yigez, Cangh Gwz, youq Nanzningz Daengx Guek Yinzda Vanzging Caeuq Swhyenz Baujhoh Veijyenzei cujyin veijyenzei Luz Sinhse, Swcigih Yinzda Cangzveijveij, Cwngfuj lingjdauj banhsuj cwnghyenz, baux cujyau lingjdauj bingdoh cap youq Gvangsijh, Swcigih lizduiyoh cwnghyenz dungzci geq, gizyawz swngjgiz lingjdauj daengj daengz hoih

cukhoh.

Sunh Daveij daihyauj Cwnghez Gaiq Cibsam Gvangsijh Bouxcuengh Swcigih Veijyenzei Cangzvu Veijyenzei guh gunghcoz baugau. Baugau daezok, bi 2025 dwg bi satbyai “cibseiq haj” gviveh, hix dwg bi youqgaenj caenh’ itbough cienzmienh haeujlaeg gajgwz. Swcigih Cwnghez caeuq aen cangzveijveij de aeu laemxsim mbouj bienq dingjmaenh Cunghgoz Gungcanjdangj cienzmienh lingjdauj hong cwnghez, gaenjdaet hopheux haenqrengz raiz bien faenzcieng Gvangsijh gij yendaiva yiengh Cungguk hawj coenz genyi cammaeuz saehguek, caezhoz doidoengh caenh’ itbough cienzmienh haeujlaeg gajgwz byaij onj bae gyae, soujcingq cauqmoq gaenxmaenx laebcaez guhndei aen gihci cidu guhhong cwnghez, ak gie maenh goek haenqrengz gyagiengz hwnghuq cwnghez bonjfaenh. Aeu engqgya gaenjdaet doxgiet youq seiqhenz Cunghgung Cunghyangh aeu Siz Ginbingz dungzci guh goek, youq Swcigih Dangjveij giengiengz lingjdauj baihlaj, fatiengz conzdungj giindei, geiqmaenh cwnghci cwzyin, comz gij

rengz hung daengxcungq lwg Gvangsijh doxgiet buekguh, bang haenqrengz raiz bien faenzcieng Gvangsijh gij yendaiva yiengh Cungguk guh’ ok goengrengz engq hung.

Cinz Gangh daihyauj Swcigih Dangjveij cukhoh aen hoih hai swnh. Cinz Gangh daegbied gangj daengz, seizneix, Gvangsijh cingq dwg duenh youqgaenj hwnghat baenaj, cingq dwg aen seiz ndei guh saeh cauqnieb. Raeuz aeu dingjmaenh aen swhsienj sevei cuji miz daegsaek Cungguk seizdaih moq Siz Ginbingz guh dazyinx, haeujlaeg gvancez doeksaed gij iugouz youqgaenj Siz Ginbingz cungjsuhgi lwnhgangj hong Gvangsijh, caezhoz, haenqrengz, caezcaemh guh ndei gij hong satbyai “cibseiq haj”, boiqhab maeuzveh hwnghat “cibhaj haj” gviveh, haenqrengz raiz bien faenzcieng Gvangsijh gij yendaiva yiengh Cungguk. Daengx gih gak gaep cwnghez cujciz caeuq gyoengq cwnghez veijyenzei aeu fatiengz conzdungj giindei, geiqmaenh cizcwz sawjmingh, dingjmaenh dangj lingjdauj, dungjyiz cansen, minzczu

doxyaeng giethab ndeindi, gaenjdaet hopheux gij baijbouh hong Swcigih Dangjveij, cungfaen fatok gij cozyung gihgou cienmonz doxyaeng, gyagiengz swhsienj cwnghci yinxlingx, lai canhcwng yicwng, lai gangj coenz miz yungh, lai ok banhfap ndei, yungh giindei cidu caez ok rengz ceiq hung, engqgya gvangqlangh comz gij rengz caeuq dungxcaiz gak gizdieg, caezhoz hwnghuq aen Gvangsijh maenghndei seizdaih moq. Daengx gih gak gaep dangjveij aeu cuengq hong cwnghez daengz hong daengx buenz bae maeuzveh doicaenh, haenqrengz haeujcoengh cwnghez hengzguh ciznwngz, miz saeh lai doxyaeng, bungz saeh lai doxyaeng, guh saeh lai doxyaeng, dingq ndei, lai yungh gij yigen genyi yinzminz cwnghez, gyagiengz hwnghuq cwnghez lingjdauj banhsuj caeuq ganbu duivuj, bang cwnghez cujciz guh hong cau diuzgienh ndei, netsaed doidoengh hong cwnghez gih raeuz hwnghat ndei saed.

(daj 《Gvangsijh Yizbau》 aeu daeuj genj hoiz Cinz Yizcwz Loz Canghlieng Vangz Veij)